

**BOSNA I HERCEGOVINA
FEDERACIJA BOSNE I HERCEGOVINE
KANTON SREDIŠNJA BOSNA/SREDNJOBOSANSKI KANTON
OPĆINA JAJCE
OPĆINSKI NAČELNIK**

Broj: 02-30-3656/24-1

Datum: 17.05.2024. godine

Na temelju članka 20. i 23. Zakona o namještenicima u organima državne službe u Federaciji Bosne i Hercegovine („Službene novine F BiH“, broj: 49/05i 103/21), Općinski načelnik raspisuje:

**JAVNI OGLAS
za prijem namještenika u radni odnos
u Općinu Jajce na neodređeno vrijeme**

Vrši se popuna radnih mjesta namještenika u Općini Jajce na neodređeno vrijeme na slijedećim pozicijama:

- 01. Referent vatrogasac - vozač u Službi civilne zaštite - 3 izvršitelja**
- 02. Viši referent – komunalni redar u Kabinetu općinskog načelnika - 1 izvršitelj**
- 03. Viši referent – Tehnički sekretar Općinskog načelnika - 1 izvršitelj**

Opis poslova radnog mjesta:

Pozicija 01. Vrši poslove i radne zadatke na gašenju požara i spašavanju ljudi i materijalnih dobara od prirodnih i drugih nesreća; neposredno utvrđuje i kontroliše ispravnost uređaja i opreme; upravlja motornim vozilima; brine o čistoći opreme tehnike, radnih prostorija, garaža i okoline za vrijeme svoje smjene; vrši popravke vatrogasnih vozila, pumpi i agregata; vodi knjigu dežurstva, evidencije dolazaka i izlazaka vatrogasnih vozila, vatrogasaca i druge opreme za vrijeme dežurstva; vrši snadbjevanje stanovništva pitkom vodom po nalogu ili po zahtjevu stranke; učestvuje na obuci, vježbama iz oblasti zaštite od požara i spašavanja ljudi i materijalnih dobara od prirodnih i drugih nesreća po planu i programu; izvršava i druge poslove i radne zadatke koje mu u obavezu stavi rukovodilac vatrogasne jedinice ili njegov zamjenik; za svoje djelovanje, aktivnosti i rad isključivo odgovara rukovodiocu vatrogasne jedinice.

Pozicija: 02.

Naplaćuje paušalne naknade štete u skladu sa Odlukom o komunalnom redu; naplaćuje paušalne troškove premještanja i skladištenja predmeta, objekata i uređaja; upozorava pravna i fizička lica na ponašanje u skladu sa Odlukom o komunalnom redu i propisima donesenim na osnovu ove odluke;

obavještava komunalnog inspektora o slučajevima neizvršavanja odredaba Odluke o komunalnom redu, pomaže komunalnom inspektor u obavljanju administrativnih poslova, obavlja i druge poslove koje mu odredi komunalni inspektor.

Za obavljanje poslova radnog mjesta odgovoran je Općinskom komunalnom inspektor.

Pozicija: 03.

Vrši izradu informativnih materijala iz ureda Općinskog načelnika; vrši prikupljanje, sređivanje i obradu određenih podataka iz ureda Općinskog načelnika za tijela Federacije BiH i Kantona; vrši prikupljanje, sređivanje i obradu određenih podataka iz ureda Općinskog načelnika za međunarodne institucije i organizacije; priprema narudžbenice za nabavku svih roba za potrebe općinskih organa uprave i dostavlja ih Općinskom načelniku na potpis; priprema popis potreba za napitke i sredstava za čišćenje i dostavlja ih sekretaru OV i ON radi kontrole za nabavku; vrši prijem napitaka za Kabinet općinskog načelnika i predsjedavajućeg općinskog vijeća i sredstava za čišćenje zgrade općine; vrši distribuciju nabavljenih napitaka uposlenicima prema iskazanim potrebama; vrši distribuciju sredstava za čišćenje osobama odgovornim za izvršavanje poslova čišćenja; vrši kontrolu nabavljenih napitaka upoređujući ih sa ponudom dobavljača izdatom narudžbenicom i dostavljenim računom, te potpisuje račun o izvršenoj nabavci i dostavlja ga na knjiženje; obavlja sve administrativne i tehničke poslove koji se odnose na rad ureda Općinskog načelnika.

Za obavljanje poslova radnog mjesta odgovoran je Općinskom načelniku.

Uvjeti: Pored općih uvjeta iz članka 24. Zakona o namještenicima u organima državne službe u Federaciji Bosne i Hercegovine (državljanin BiH, punoljetan, opća zdravstvena sposobnost, da u posljednje dvije godine od dana objavljivanja oglasa nije otpušten iz organa državne službe kao rezultat disciplinske kazne na bilo kojem nivou F BiH i BiH i da nije obuhvaćen odredbom članka IX 1. Ustava Bosne i Hercegovine), kandidati trebaju ispunjavati i slijedeće posebne uvjete predviđene Pravilnikom:

Pozicija: 01.

- III stepen stručne spreme,
- položen vatrogasni ispit,
- položen vozački ispit B i C kategorije,
- najmanje 6 mjeseci radnog staža

Pozicija: 02.

- IV stepen stručne spreme (ekonomska, gimnazija, tehnička ili upravna)
- položen stručni ispit
- osposobljenost za rad na računaru
- najmanje 10 mjeseci radnog staža

Pozicija: 03.

- IV stepen stručne spreme (upravna, ekonomska, tehnička ili druga društvena struka)
- položen stručni ispit
- osposobljenost za rad na računaru
- najmanje 10 mjeseci radnog staža

Pravo prijavljivanja na ovaj oglas imaju sve zainteresirane osobe koji ispunjavaju opće i posebne uvjete javnog oglasa.

Uz pismenu prijavu na javni oglas, naznaku na koje se radno mjesto prijavljuju kandidati su dužni dostaviti dokaze o ispunjavanju općih i posebnih uvjeta (original ili ovjerena kopija) i to:

Za dokazivanje općih uvjeta - sve pozicije:

- Uvjerenje o državljanstvu Bosne i Hercegovine (ne starije od 6 mjeseci),
- Izvadak iz matične knjige rođenih,
- Ovjerena izjava da u posljednje dvije godine od dana objavljivanja javnog oglasa kandidat nije otpušten iz državne službe kao rezultat disciplinske kazne na bilo kojoj razini vlasti u Federaciji, odnosno Bosni i Hercegovini,
- Ovjerena izjava da kandidat nije obuhvaćen odredbom članka IX 1. Ustava Bosne i Hercegovine,

Za dokazivanje posebnih uvjeta:

- Ovjerena kopija svjedočanstva o završenoj srednjoj školskoj spremi koja je uvjet za radno mjesto - **za sve pozicije**
- Dokaz o radnom stažu - **za sve pozicije**
- Uvjerenje o položenom vatrogasnom ispitu - **za poziciju 01.**
- Dokaz o položenom vozačkom ispitu B i C kategorije - **za poziciju 01.**
- Dokaz o poznavanju rada na računaru – **za poziciju 02. i 03.**
- Uvjerenje o položenom stručnom ispitu - **za poziciju 02. i 03.**

Shodno članku 32. Zakona o namještenicima u organima državne službe u Federaciji Bosne i Hercegovine kandidat koji nema položen stručni ispit, a ima navršen radni staž u trajanju od 6 mjeseci nakon završene srednje školske spreme može se primiti u radni odnos, ali je dužan taj ispit položiti u roku od 6 (šest) mjeseci od dana prijema u radni odnos.

Izabrani kandidati će biti obvezni dostaviti uvjerenje o zdravstvenoj sposobnosti prije preuzimanja dužnosti namještenika i isti podliježu obvezi probnog rada u trajanju od 3 (tri) mjeseca.

Prijave s traženim dokumentima treba dostaviti u roku od 15 dana od dana posljednje objave oglasa u dnevnim novinama Općinskom načelniku Općine Jajce na adresu: **OPĆINA JAJCE, Nikole Šopa b.b. sa naznakom: „JAVNI OGLAS ZA PRIJEM NAMJEŠTENIKA – NE OTVARATI“.**

Nepotpune i neblagovremene prijave neće se uzeti u razmatranje.

OPĆINSKI NAČELNIK
Edin Hozan

